

SAMÞYKKT

um sorphirðu og sorpeyðingu á Norður-Héraði.

1. gr.

Sveitarfélagið Norður-Hérað annast sorphirðu (þ.e. sorphreinsun og sorpeyðingu) frá öllu íbúðarhúsnæði í sveitarfélaginu og sorpeyðingu frá ferðapjónustu, hótélum, bensínstöðvum, mótuneytum og skyldri þjónustu. Einnig er hreinsað sorp frá sumarbústöðum og þeim húsum sem ekki er föst búseta í en þeir aðilar skulu koma sorpi að aðalvegi í veg fyrir sorpbíl þá daga sem sorphreinsun fer fram.

Heilbrigðisnefnd Austurlands hefur eftirlit með starfseminni.

Sveitarstjórn er heimilt að fela öðrum framkvæmd sorphirðu. Þeir aðilar skulu hafa starfsleyfi heilbrigðisnefndar eða Hollustuverndar ríkisins eftir því sem við á.

2. gr.

Sorphirða og eyðing skal framkvæmd undir yfirstjórn sveitarfélagsins og skal hún sjá um samskipti við þá aðila, sem að því koma, s.s. vegna móttöku spilliefna, meðferðar landbúnaðarplasts og brotajárnshirðu. Landbúnaðar- og fyrirtækjaúrgangi svo sem plasti, brotajárni, sláturúrgangi og því sem til fellur frá byggingarframkvæmdum skulu aðilar koma sjálfir til móttöku sorpeyðingar Miðhéraðs.

3. gr.

Sérhverjum húsráðanda, forsvarsmanni fyrirtækja eða stofnana á Norður-Héraði er skylt að nota þær aðferðir og ílát við sorpgeymslu og hreinsun sem sveitarstjórn, í samráði við heilbrigðisnefnd, ákveður.

Húsráðendur skulu halda ílátum hreinum og hreinsa snjó frá sorpgeymslum á vetrum.

4. gr.

Í sorpílát má aðeins setja neysluúrgang, þ.e. venjulegt heimilissorp, í samræmi við nánari fyrirmæli sem kunna að verða sett um flokkun úrgangs, sbr. 3. grein.

Óheimilt er að láta garðaúrgang, jarðefni eða grjót og brotajárn í sorpílát.

Spilliefnum, lyfjum og öðrum hættulegum úrgangi skal haldið sér þannig að sorpflutningamaður geti komið því í móttökustöð Sorpeyðingar Miðhéraðs á Egilsstöðum.

Glerbrotum og öðrum oddhvössum hlutum, sem hætta er á að skaði þá sem meðhöndla úrgang eða sorpílát, skal pakkað inn eða gengið frá þeim á annan tryggilegan hátt.

Gæta skal þess að fylla ekki sorpílatin meira en svo að auðveldlega megi loka þeim (bundið fyrir sorppoka).

5. gr.

Sorphreinsun almenns heimilissorps fer fram eigi sjaldnar en á 14 daga fresti. Sveitarstjórn ákveður í samráði við heilbrigðisnefnd og verktaka hversu oft sorphreinsun fer fram.

6. gr.

Sveitarstjórn er heimilt að innheimta sorphirðu- og sorpeyðingagjöld á vegum sveitarfélagsins samkvæmt gjaldskrá sem sett er samkvæmt 5. mgr. 25. gr. laga um hollustuhætti og mengunarvarnir nr. 7/1998, með síðari breytingum, að fenginni umsögn heilbrigðisnefndar. Gjöld mega aldrei vera hærri en sem nemur rökstuddum kostnaði við veitta þjónustu eða framkvæmd eftirlits með einstökum þáttum. Gjöld skulu lögð á hverja fasteign, stofnun eða fyrirtæki sem nýtur framangreindrar þjónustu. Sveitarfélagið skal láta birta gjaldskrána

í B-deild Stjórnartíðinda. Sveitarstjórn getur veitt undanþágu frá gjaldtöku þegar um er að ræða ellilífeyrisþega. Um slíkt skal sótt til sveitarstjórnar og fjallað sérstaklega um hvert mál fyrir sig.

7. gr.

Hafi húsráðandi fram að færa kvörtun vegna sorphirðu skal hann koma slíkri kvörtun á framfæri til framkvæmdaaðila verksins. Telji viðkomandi sig ekki fá fullnægjandi úrlausn hjá sveitarfélaginu getur hann skotið málinu til heilbrigðisnefndar.

8. gr.

Óheimilt er að skilja eftir, flytja eða geyma rusl, garðaúrgang eða sorp á víðavangi, götum, gangstígum eða fjörum í sveitarfélaginu eða skilja þar eftir númerslausa bíla, vélar og önnur tæki. Þarna er þó ekki átt við tæki, vélar, bíla eða aðra nýtilega hluti sem sett eru til geymslu á afmörkuðu svæði til seinni tíma nota.

9. gr.

Með brot á samþykkt þessari skal farið samkvæmt ákvæðum laga um hollustuhætti og mengunarvarnir nr. 7/1998 með síðari breytingum.

10. gr.

Ofangreind samþykkt sveitarstjórnar Norður-Héraðs staðfestist hér með samkvæmt 25. gr. laga um hollustuhætti og mengunarvarnir nr. 7/1998, með síðari breytingum, til þess að öðlast þegar gildi.

Umhverfisstofnun, 14. mars 2000.

F. h. r.

Ingimar Sigurðsson.

Smári Þorvaldsson.

AUGLÝSING

um gatnagerðargjald í Djúpavogshreppi.

1. gr.

Almenn heimild.

Af öllum nýbyggingum, svo og stækkunum eldri húsa, hvort sem er á eignarlóðum eða leigulóðum í Djúpavogshreppi, skal greiða gatnagerðargjald til sveitarstjórnar samkvæmt gjaldskrá þessari. Um gatnagerðargjöld fer að öðru leyti eftir lögum um gatnagerðargjald nr. 17/1996 og reglugerð um gatnagerðargjald nr. 543/1996.

2. gr.

Ráðstöfun gatnagerðargjalds.

Gatnagerðargjaldi skal varið til gatnagerðar í Djúpavogshreppi. Skal nota það til greiðslu kostnaðar við að undirbyggja götur með tilheyrandi lögnum, við lagningu bundins slitlags og gangstétta, gerð umferðareyja, gangstíga og opinna svæða. Innifalið í fullu gatnagerðargjaldi er ein mæling fyrir staðsetningu byggingar og ein staðsetning lóðarmarka.